



## Universitätsbibliothek Paderborn

**Symbola Trinitatis, Id Est Trinitatis diversarum rerum, ex  
Veteris ac Novi Testamenti Scripturis, Historijs &  
exemplis; nec non congruentioribus rerum naturalium  
similitudinibus conscripta ...**

**Duplan, Theodore**

**Ruraemundae, 1663**

82. Sobriè, justè, piè vivendum.

**urn:nbn:de:hbz:466:1-12221**

## SYMBOLUM 81.

*In nomine Iesu omne genu fleatur; cælestium, terrestrium, &  
infernorum. Philip. 2.*

**I**n ter adorando curvetur nomine J e s u  
Omne vel Aligerum, Terrigenumve genu.  
Plaudite Terricolæ, quibus orci vincla refringit,  
Orcicolæ credunt, cumquè tremore, colunt.

**O** Trias ! hoc cunctis sit amori, sitquè saluti

(a) A Te, nomen, Jo. ! quod super omne, datum.

(a) Cur nomen J e s u s magis soleamus honorare, quam nomen Deus? quia Deus significat Deum, quâ Dominus & Creator est, J e s u s significat Deum, seu suppositum divinum, quâ Salvator & Redemptor est; nihil autem nisi profuit nisi redimi protulisset, canit ecclesia in benedictione cerei paschalis. Ex S. Greg. in pastor. Et ideo etiam nomen J e s u s in vanum sumere, majus peccatum est. vide de hoc Abul. eruditè sribentem in Exod 20. q. 7.

N. 2. Christi sunt præcipua tria nomina. Emanuël, Christus, J e s u s. Emanuël, est idem, quod nobiscum Deus, id est, Deus cum naturâ nostrâ humâna, quod est in Christo. Christus, est nomen signans Regem, Sacerdotem, prophetam. J e s u s est idem, quod Messias, Salvator. Nullum autem ex ipsis ita proprium ac personale est Verbo Incarnato, ac nomen J e s u s. Vide Abul. in Matt. 1. q. 60.

(a) Querit Abul. quare majoris reverentie sit nomen J e s u i s, quam nomen Deus, & respondet primo loco penult. cit. quia sic in privilegium datum est a totâ S. Trinit. lege etiam que diximus de hoc alibi : p. 26.

## SYMBOLUM 82.

*Sobrietè, justè, piè vivendum. Tit. 2.*

**A**Rs benè vivendi, quâ vita perennis aditur ;  
Paulino verbis manat ab ore tribus.  
Justitiæ leges cum sobrietate teneto ,  
(a) Vive alijs justè, sobrius esto tibi.

Tertia

Tertia vox sacranda Deo, cœloquè ferenda,  
Vive piè Triadi, præmia trina dabit.

(a) Ex S. Bern. serm. 11. inter parvos, ubi ait: vivamus sobriè erga nos, justè erga proximum, piè erga Deum.

Nota. Ex verbis hujus loci ad Tit. 2. scilicet: apparuit enim gratia Dei Salvatoris nostri omnibus erudiens nos, ut abnegantes impietatem, sobriè & justè, & piè vivamus exspectantes adventum gloriae magni Dei & Salvatoris Iesu Christi &c. Probant Commentatores contra veteres & novos Arianos, Iesum Christum esse verum, magnumque Deum.

### S Y M B O L U M 83.

Bonum certamen certavi, cursum consummavi, fidem servavi. 2.  
Tiu. 4,

**Q**uis memoret Pauli seriem sine fine laborum?  
Parta, cui d'uro marte, corona datur.  
(a) Ac velut in stadio quoties attingere metam  
Contigit; & laurum præripuisse alijs?  
More fidem servantis hero, constanter amavit  
Aspera pro Triados plurima ferre si de.

(a) Fit hic allusio vel ad agones olympiacos in quibus luctando, pugnandoque: vel ad stadium, in quo currendo, certabatur: ubi victores bravijs & coronis a brabentia donabantur. Talis agon vel stadium erat vita Pauli; braviū, gloria cœlestis, seu visio SSS. Trinit. Brabantia seu præses certaminis, SSS. Trias.

### S Y M B O L U M 84.

In ipso vivimus, movemur & sumus. Act. 17  
**N**ec vitam dedimus nobis, nec traximus esse,  
Immotæ Triados motus ab ente venit.  
Piscis in oceano, movet ales in aëre pennas,  
Sed vitæ & motus unica causa Trias.

Quis-